

5  
*GULIELMUS Pacificus:*

S I V E

ORATIO de PACE

FELICISSIMIS

GULIELMI III.

AUSPICIIS

REGNIS BRITANNICIS,

*Totique propemodum* EUROPÆ

R E S T I T U T A:

Habita coram *ACADEMIA CANTABRIGIENSI*

In Templo Beatæ *MARIÆ*,

*Stativâ* Solennis Gratulationis *Feriâ*

IV. Non. DECEMB.

ANNO MDCXCVII

---

Authore *GULIELMO ATLOFFE*, A. M.

*Trin. Coll. Soc. & Academiae Orat. Publ.*

---

*CANTABRIGIÆ*,

Typis ACADEMICIS.

GULIELMUS PACH...

ELVE

ORATIO DE PACH

TOT...

GULIELMUS III

...

REGNIS BRITANNICIS

...

...

...

...

...

...

...

...

...

3749:78

---

**T**OT tantisque Bello memorabiliter gestis,  
 Exercituum strage, direptionibus Urbium,  
 Classium incendiis terrâ marique propè fa-  
 tigatis, restitutam denuò (optatum diuturnæ Mili-  
 tiæ pretium) *Pacem*, fas sit proferre, fidissimam,  
 vigentemque per omnia REGIS Invictissimi Gloriam  
enarraturo vires deficerent, multiplici rerum varietati,  
 grandique Argumento impares; nisi celeberrima hæc  
 Frequentia aspectu undique jucundissimo labantem  
 recrearet animum, vetarentque Univerſa Veſtrûm  
 Gaudia nostro aliquo Timore hodiernos pollui Tri-  
 umphos; nisi vocem spiritumque erigeret egregii  
 Principis laudatio, optima nimirum Eloquentiæ ma-  
 teria, & subsidium paratissimum.

Dare itaque veniam, severioris *Stoæ* Philosophi, si  
 in hac amplissimâ diei Solennitate, ardore insolito;  
 & pulchro quodam Lætitiae excessu rapimur, attolli-  
 mur, efferimur, incendimur: Nam cum, quâ nasci-  
 mur aut conservamur singuli, Lucem festivam sem-  
 per, atque illustrem habeamus, multis profectò no-  
 minibus insigniri, & in perpetuos exuberantis Gau-  
 dii Fastos illa ire merebitur, quæ nobis, quotquot  
 ad-

adsumus, omnibus, quæ nostræ universim *Britannie*, quæ diffusissimis undique Gentibus, totique penè Orbi Christiano renatæ Securitatæ *Æra* effulget fastissima. Ignoscite, si in hoc immenso Laudum Oceano adeò non subsidat Oratio, ut plenis quodammodo velis, & secundo vento potius ultrò exulteret, Rate *Cæsarianâ* superbior, quippe quæ GULIELMUM vehit.

Ecquî enim tam ingratè fastuosi, tam insulsè malevoli, quin ambitiosâ Gratulatione, Plausuque effusissimo Augustissimum & *Libertatis* & *Religionis* Vindicem exciperent; nisi quibus pura *Religio*, *Libertasque* integra (pulcherrima prorsus Coeli Munera) parum cordi sint? Ecqui enim, nisi quibus Tranquillitas, Salus, Patria ipsa (charissima propè mortalibus Nomina) minùs arrideant: Ecquî inquam, adeò lætando modici, laudando frigidi, quin flagrantissimis affectibus, & acerrimâ animi vocisque contentione Amantissimum Patriæ, Salutis, Tranquillitatis publicæ Parentem prosequerentur, dignum Luru, dignum Curru, cæterisque Laudis Insignibus, & Triumphorum comitatu; nisi Is tantus sit, qui Triumphos jure possit spernere; nisi ea nostra Tenuitas, quæ illorum apparatui non sufficiat.

Commendet ergo Alios splendidior Pompæ magnificentia; Nos Tibi, Augustissime GULIELME liceat

ceat enim quasi coram compellare, suspicere, admirari, quem Amoris, quem Potentiæ, quem divino quodam Majestatis Numine Orbi huic Literato, Ædique Sanctissimæ semper præsentem, semper opitulantem veneramur) Nos inquam, Tibi, Augustissime GULIELME, potiores gratissimorum pectorum opes totas integraeque, studio, quo possumus, maximo effundimus; præstantiorem animi cultum propensissimâ Observantiâ litamus, pietissimam utique illam subditis Obsequii gloriam, tutissimam regnantibus Imperii fidem.

Votivas Alii extruant Columnas; Tuâ dummodò operâ, placido perfruentes Otio *Musæ Scientiæque* perenniora Tibi ponant Literarum Monumenta; quibus olim aternâ vigeas Memoria, & in ultimos Loci Temporisque terminos inclarescas, semper *Superstes*, semper *Victor*, semper *Triumphator*.

Qualis in Negotiis; quantus in Prælio illic legendus, illic audiendus, quasi totus Consilio, totus itidem Militiæ vacares, par omnibus Unus idemque *Pacis Bellique* maneribus;

Qualis quantusque, inquam, Gentium omnium Linguis Literisque celebrabere; si modò Verbis prædicari possit incredibilis illa Indoles, ac divina propè Sapiencia, quâ arduas tot Classium, Exercituum,

Regno-

Regnorumque curas solus expedis, quâ disjunctissimos arctis compagibus connectis Populos, & velut Orbis Occidui Anima diffusa, totam vitali spiritu permeans agitanque Molem, extincta penè Libertatis studia, sopitosque diu Virtutis igniculos, propè ipsa Fata, foves, & resuscitas; si modò numerosam illam Laudum Tuarum concordiam complecti queat uberrima quævis dicendi Copia; si gravissimam, inquam, eam Auctoritatem, quâ corrigenda Castrorum Disciplina, elatam illam animi Magnitudinem, quâ excitanda miserè torpentium Inertia, saluberrimum illud Probitatis documentum, quo corruptissimi Mores medendi, assiduumque istum indefessæ Constantiæ tenorem, quo renitentibus, invitisque stabilienda fuerat Felicitas; si modò ulla uspiam Orationis celsitudo, aut Poetarum vigor satis assequi valeat vividum illum impetum, ardoremque Pugnae, quo Languentes accendis, firmas Strenuos; quo Tuos hortaris, obvios quosque sternis; quo densissimis ubique Turmis involas, intonas, fulgas, Hostili speciosior sanguine, atque ipsis augustior Periculis; quo domi forisque Tui Seculi clarissimus, exteris Tibi Gentes Admiratione devincis, Amore conjungis, Imitatione stimulas, & remotissimas quasque visendi studio Tibi propius allicis, Tuo dudum flagrant Exemplo, Tuis eminens vincentes Auspiciis; quo denuò laborat Animalium fides, omnisque Tibi facile cedit Antiquitas;

nisi



nisi forſan Majus ſit ( quod quidem ſibi ducit po-  
tiſſimum ) diſcordes, barbaras, inermes *Galliarum*  
copias conjunctis *Romæ* viribus olim afflixiſſe, quàm  
impetitiore Acie, fluxiſque Auxiliis firmiſſimam  
confertiſſimamque torrentis Belli molem nuper ſu-  
ſtinuiſſe, fregiſſe, repreſſiſſe.

Explore autem, ſi libeat, Veterum Monumen-  
ta, Res geſtas perpendite, conferte Heroas; & in-  
telligetis probè, GULIELMUM, ſi Suis ſatis non  
clareſceret *Virtutibus*, Alienis quoque *Vitiis* opti-  
mum.

Id turbidis ingeniis, id *Philippis*, *Alexandris*,  
*Julis*, cæterisque iſtis egregiæ memoriæ Prædoni-  
bus planè Regiis grande & magnificum videatur,  
ſua Servitute opprimere Regna, Bellis vicina rapere  
injuſtis, inſoleſcere Latrociniiſ, Ferro Flammiſque  
miſcere omnia, vaſtare, urere, populari; venales  
Auro ſibi emercentur Triumphos; ingurgitent ſe Ra-  
pinis brevì evomendis; proſperi Sceleris Succeſſu in-  
tumefcant; cumque mentes moreſque penitus exue-  
rint Humanos, Divino propè Nomini, æquatoque  
Numinibus avidiſſimè inhient; fruantur illicò, fru-  
antur Votiſ Magni hi, ut nuncupantur, & Immor-  
tales Viri; Expleantur ſuâ, quam tantopere ſitiunt,  
Gloriâ; conſeſtim abeant in Deos; cognata calcant  
Sydera; *Tauris*, *Leonibus*, *Urfis*, *Lupis* immiſcean-

tur Cœlestibus; modò Bestias, modò Monstra, modò Tyrannos Terris esse definant.

Suas itaque sibi res habeant, suam Superbiam, suam Ambitionem, sua Parricidia præpotentes isti Naturæ Domini; Ea Armorum Tuorum, GULIELME, ratio sit æquissima, is fructus pulcherrimus, opitulari quamplurimis, cadentes fulcire, extollere jacentes, Salutem Sociorum, Imperii Tui Dignitatem defendere, grassanti Libidini modum ponere, temperare Victoriæ, *Pacemque* demum summâ Tuâ partam *Fortitudine*, pari *Prudentiâ* tueri.

Tantis nimirum, Tuis velim, Virtutibus excoli, Tuo nasci atque animari Genio oportuit, quem Regna Principem ultrò implorarent fessa, quem exoratum contulisse majus, quàm accepisse Beneficium meritò fateri deberent relevata, qui, Fatis indies in grandiora vocantibus, ad altissimum veri Honoris Fastigium tam immensis passibus festinaret, qui tutatæ *Belgiæ* Gloriam, conservatâ *Britanniâ*, promoveret, qui salvæ *Britanniæ* splendori liberatam adjiceret *Europam*, cumulatâ insimul *Belgici, Britannici, Europei* Titulis jure optimo exornandus.

Neque quidem Tibi, REX Inviâtiſſime, minùs amplôs adultæ Dignitatis proventus præmonſtraverat ipsâ Stirpis eximîæ ſpes, & Natalium celebritas;  
utpote



utpote quem Principum Serie longavâ, ramisque  
felicioribus semper germinante, quem Avis Proavis-  
que Romani Nominis æmulis, collectisque in Te  
Uno tot ingentium Luminum radiis refulgentem  
manifesta Cœli indulgentia tandem Terris concess-  
erat, emerfurum planè generi Humano Sydus salutare,  
certissimum afflicti Seculi Levamen, maximumque  
Gentis *Nassovæ* Incrementum.

Quippe enim, sive (fato Heroibus ferè proprio)  
Tibi erudito suo Operi *Sobolem* pernegaverit, cum  
*Parem* non potuerit, effœta penitus Natura; sive  
quod obnixè petimus tantisper distulerit; fatetur se  
per tam elimatam Majorum Seriem, veluti totidem  
castigationis Curæ gradus, ad summum illum Api-  
cem jam provectam, quem quidem transgredi aut  
omninò nesciat aut in quo saltem sistere sibi sit ne-  
cesse, dum attritas, exhaustasque propè in Te ef-  
formando vires morâ reficiat, Filiumque denuò ef-  
fingat excolatque Magno Patre neutiquam in-  
dignum.

Siquidem cum Tu, Justissime *Ambitionis* Stator,  
*Pacisque* Arbiter, ad Astra ferus recesseris, aut ater-  
na Posteris cœlitus donanda est Concordia, aut ex  
illo ipso Sanguine, cui præteriti, cui præsentis Seculi  
Immanitatem usquequaque fractam debemus, de-  
rivandi sunt, qui afflictiis Gentibus Ultiores olim ex-

urgant, reprimantque vagam gliscentis Dominationis  
licentiam.

Caterum futuri sollicitos anxiosque advocat rele-  
vatque hodiernæ Gratulationis recordatio, & diu-  
turni Gaudii fiducia; si enim alternis vicibus, pari-  
que fermè passu adversis prospera, turbidis tranquilla  
soleant succedere, quem alium in finem tam im-  
mensæ seculo præcesserunt Moiestiæ, nisi ut sævien-  
tibus longè lateque *Armorum* tumultibus reversa *Pa-*  
*cis* augeretur gratia, & accederet Gratia Perpetuitas?  
Si Heroicæ Virtuti per angusta atque aspera ad eme-  
ritum beatoris vitæ secessum plerumque patefacta  
sit via, certo certius licebit Principi nostro tam in-  
numeris retroactæ ætatis Laboribus exercitissimo  
Requiem polliceri solidissimam.

Nec profectò ex Periculis, ex Insidiis, ex mediâ  
Morte toties eripi poterat, ut populi sui Solatium  
breve reservaretur; non Difficultatibus, non Curis  
tot annorum fortiter perfunctus est, ut momenta-  
neo vacius respiraret Otio.

En ergo Ecclesiam, Senatum, Orbem Britanni-  
cum Tuâ ope, REX Serenissime, salvos & supersti-  
tes, Tuæ invicem Saluti sedulò excubantes; en ergo  
Te Precibus, Votisque publicis, en Te Fortunis,  
Custodiis, laterumque omnium oppositu, velut mu-  
ro septum firmissimo. Porro

Porro autem absit, ut hisce etiam exutus Præsidis, aut apertos Hostium, aut occultos Civium (pu-  
det dicere) Tuorum impetus possis amplius suspi-  
cari; cum infensos quosque animos aut singulari  
Tuâ fregeris Virtute, aut amicissimos feceris Cle-  
mentiâ, atque id solum singulis enitendum relique-  
ris, ut, ex quo pender communis omnium Salus,  
fidissimâ omnium Cautione tutaretur.

Funeſti enim Belli portas validissimis frustra ob-  
serâsti vinculis, didicitque Dominum nequicquam  
extimescere toties à Te crensum, toties triumphatum  
Mare, si in *Pace Portuque* posito nova Tibi  
Pericula faceſſat *Armorum* rabie furentior, Pelagique  
ſevior procellis perditissimorum hominum Audacia,  
& robustum Scelus: Quasi verò nullus uspiam Pro-  
bitati tutus sit locus, summæque semper *Virtuti* op-  
poneretur immane quantum aliquod *Vitiorum* Pro-  
digium!

Sentiant autem, & meminerint Perduelles isti te-  
terrimi, si pergant ultra (quod averruncet Deus)  
Cœlo quidem ipsi palam Bellum indicare, dum  
ſanctissimum Seculi Lumen, Vitamque toties Mira-  
culis conservatam extinguere infractâ usque conantur  
perviciâ, si pergant Patriæ pestes moliri, si lætissi-  
mæ hujus Lucis sempiternam Memoriam Fastis erad-  
ere, clarissimumque hoc penitus convellere Impe-  
rium

rium eodem Ictu atrocissimo machinentur: Sentiant, inquam, & *Secures Terræ, & Cælo Fulmina* superesse Sicariis, Deumque Optimum Maximum ad Regum Regnorumque *Incolumitatem* acrius invigilare, quàm ad eorum *Interitum* importunam istam Conjuratorum manum.

Nolebam equidem, nolebam, Auditores, festivæ Feriæ Nubem hanc obduxisse tristissimam, nisi quâ sciat, certius, quanti ex maturatis Proditorum Consiliis, quanti ex patrato isthoc infando Facinore Vobis redundaturi sint Miseriarum Fluctus; cum Probos quosque tanto, inter hæc ipsa Gaudia, Horrore permoveat meditatam Nefas; utque ex recenti Tempestatum memoriâ, quas effugistis (heu, quàm penè naufragi!) gratior acceptiorque illucesceret hilaris hic Salutis dies.

Totum itaque proferas Gratulationis & Lætitiæ supellectilem, florentissima quaquaversum *Britannia*, neque enim est, cur non Secunda omnia, & Felicissima semper Tempora, Authore Illo, tibi possis polliceri, qui in hoc communi Bellorum Incendio, Hostiles Flammas tuis longè propulsavit Mœnibus, qui in hac planè Ferreâ Ætate, Argentea verè tibi recondidit Secula.

( II )

Tu verò, Sanctissima Parens *Ecclesia*, Tu, Alma Mater *Academia*, quas ad sacros suos pedes nuperime provolutas, Divinâ propè Voce, fidissimo illo vestræ Securitatis pignore, adeò erexit, firmavit, amplificavit Serenissima Majestas Regia; Vos inquam, potissimos agite Triumphos, atque id curate sedulò, ut tanto dignæ Patrocinio videamini; assiduisque Precibus oret, exoret Altera diutissimam Principi Vitam, quam tandem aternis Altera mandet Monumentis: Diu ergo *Academia*, *Ecclesiæ*, *Reipublicæ*, Orbi Christiano vivat, vigeatque auctior indies Gloriâ, Felicitate cumulator; & *Milite*, *Duce*, *Imperatore* GULIELMO solus Major sit *Pacificus*.

---

F I N I S.